

Thirrje për organizatat e shoqërisë civile dhe grupet joformale

TRAJNIM PËR ZHVILLIMIN DHE ORGANIZIMIN E KOMUNITETIT

Organizatat e shoqërisë civile (OShC) nxisin angazhimin qytetar duke fuqizuar komunitetet në vendet ku ato veprojnë. Mirëpo, organizimi komunitar është proces kompleks dhe në mënyrë që ai të jetë i suksesshëm dhe i qëndrueshëm, kërkon angazhim të vazhdueshëm, burime dhe njohuri adekuate. Përderisa OShC-të në Kosovë kanë angazhim të madh në jetën publike, përfshirja e qytetarëve në punën e tyre dhe zgjerimi i grupit të njerëzve me të cilët angazhohen vazhdon të mbetet i vogël. Përkundër tentativave të vazhdueshme për zgjerim të konstituencës nga vet OShC-të, vetëm 4.5% e qytetarëve dhe qytetareve janë anëtarë në një OShC, dhe vetëm 5% e tyre marrin pjesë në aktivitete të OShC-ve. Përmes përkrahjes dhe nxitjes së individëve për të marrë pjesë në jetën publike dhe proceset e vendimmarrjes, fuqizohet komuniteti dhe përmirësohet jeta sociale dhe ajo ekonomike. Kur OShC-të komunikojnë dhe bashkëpunojnë afër me komunitetin, ato ndihmojnë në artikulum të mirë të pikëpamjeve të tyre, kanë dhe përdorin burime të llojllojshme, komunikojnë me më shumë grupe të qytetarëve, dhe rrjedhimisht krijohen komunitete të qëndrueshme dhe aktive për të mirën publike.

Me synim të organizimit të komunitetit dhe zgjerimit të konstituencës së OShC-ve në të gjitha rajonet e Kosovës, Fondacioni Kosovar për Shoqëri Civile (KCSF), përmes **Programit për Angazhim Qytetar (CEA)** të cilin e zbaton në partneritet me misionin e USAID në Kosovë, **gjatë muajit tetor-nëntor 2023** do të organizojë **trajnimin 6-ditor** me temën **“Zhvillimi dhe organizimi i komunitetit”**. Në këtë cikël të trajnimit do të përzgjidhen nga 2 organizata / grupe joformale nga secili prej 8 rajoneve të vendit (*Prishtinë, Prizren, Pejë, Gjakovë, Gjiilan, Mitrovicë të Veriut, Mitrovicë të Jugut dhe Ferizaj*).

Çka përfitoni nga ky trajnim?

Trajnimi “Zhvillimi dhe organizimi i komunitetit” ka për qëllim zhvillimin e kapaciteteve dhe kompetencave të OShC-ve dhe grupeve joformale të shoqërisë civile mbi hartëzimin dhe organizimin e komunitetit, ndërtimin e praktikave për angazhimin e konstituencës, si dhe rrjetëzimin me akterët e tjerë në komunitet.

Përmes një kurrikule të dizajnuar për nevojat e OShC-ve në Kosovë, ju do të përfitoni njohuri dhe shkathtësi mbi:

- Zhvillimin dhe organizimin e komuniteteve dhe rëndësinë e tyre;
- Format e zhvillimit të komunitetit dhe zgjerimit të anëtarësisë dhe konstituencës;
- Aplikimin e mjeteve vlerësuese dhe hartimin e metodës së integruar për zhvillimin e komuniteteve;
- Identifikimin e metodave për organizimin dhe zhvillimin e komuniteteve;
- Rolin dhe rëndësinë e bashkëpunimit dhe rrjetëzimeve në zhvillimin e komuniteteve;

- Fushatën avokuese, ndryshimin e politikave dhe përdorimin e rrjeteve sociale dhe medias për zhvillimin e komuniteteve;
- Identifikimin e ideve të reja të aplikueshme për zhvillimin e komunitetit;
- Aplikimin e teorisë së ndryshimit në iniciativat e zhvillimit të komuniteteve.

Ju, po ashtu, do të aplikoni në praktikë shkathtësitë e fituara përmes përpilimit të një iniciative për zhvillimin dhe organizimin e komunitetit dhe do të keni mundësi të aplikoni për grant për zbatimin e iniciativës suaj.

Kush mund të aplikojë dhe cilat janë kriteret e aplikimit?

Të drejtë aplikimi kanë të gjitha OShC-të apo grupet joformale në Kosovë, të cilat kanë interesim dhe vendosmëri për të mësuar dhe zbatuar në praktikë njohuritë e teknikat për zhvillimin dhe organizimin e konstituencës.

Secila OShC ose secili grup joformal duhet të propozojë një anëtar të stafit, përgjegjësit e të cilit/cilës ndërlihen me zhvillimin e komunitetit, dhe zgjerimin e konstituencës së organizatës.

Kriteret e aplikimit:

- ✓ Të jetë OShC e regjistruar në Kosovë, apo grup joformal që vepron në Kosovë;
- ✓ Të jetë OShC apo grup joformal që vepron kryesisht në nivel lokal;
- ✓ Të ketë identifikuar si nevojë ndërtimin e kapaciteteve për zhvillimin dhe organizimin e konstituencës;
- ✓ Të ketë aktivitet në komunitetin dhe/ose interesim për përfshirje të qytetarëve/eve në punën e organizatës;
- ✓ Për OShC-të aplikuese, anëtari/ja e stafit që aplikon preferohet të jetë përgjegjës për zhvillimin dhe organizimin e komunitetit ose staf senior në organizatë.

Si të aplikoni?

Aplikimi bëhet duke plotësuar formën elektronike në vegëzën në vijim:
<https://tinyurl.com/kcsf-cdo1>

Formulari i aplikimit mund të plotësohet në gjuhën shqipe ose serbe.

Vetëm aplikantët që përmbushin kriteret e përcaktuara do të kontaktohen për pjesëmarrje në trajnim, me ç'rast do të njoftohen edhe zyrtarisht për detajet logjistike.

Në rast të pranimit të shumë aplikacioneve, KCSF do të iu jep përparësi atyre që kanë aplikuar të parët me theks të veçantë sigurimit të barazisë gjinore, diversitetit etnik dhe atyre që veprojnë jashtë Prishtinës.

- ❖ **Afati i fundit për aplikim: 18.10 2023.**



Informata logjistike

Kandidatët/kandidatet e përzgjedhur/a do t'u kërkohet të jenë fizikisht të pranishëm në trajnim. Shpenzimet e transportit dhe ushqimit do të mbulohen nga KCSF.

Për informata tjera, ju lutem na kontaktoni në adresën elektronike krenare.lleshi@kcsfoundation.org ose përmes telefonit në numrin: 038 600 634.